



Terenga 6: Hōtaka 51 - Te kupu 'riro'

He Mihi

Kei ngā whetū taukapo o Tāmōre more nui a Rangī, mauria mai ō koutou māramatanga kia tiaho mai ki runga ki te papa o Ako.

Hei Mahi Whakarongo

Ko Tairahia Black te manuhiri a Kingi Biddle i runga i te hōtaka o Te Kāuta. Anei ngā pātai hei whakautu mā koutou:

- 1) Kei te kōrero a Tairahia mō te kai anahe?
- 2) He aha ngā kai rangatira ka tunua mā Kingi?
- 3) He pēhea te āhua o ngā kai ka tunua e ngā mātua kēkē?

Kia whakarongo ki ngā whakawhitinga kōrero i te taha o te ahi, i roto i Te Kāuta.

He Whakamārama

Anei ētehi whakamahinga o te kupu 'riro':

- a) ...riro...**ki**
Kua riro taku whaea **ki** Rātana. *My mother's gone to Rātana.*
- e) ...riro...**i**
Kua riro **i** a Pita te tūranga tumuaki. *Pita got the principal's position.*
- i) ...riro...**mā**
Kua riro **mā**ku ā tātou kai e karakia. *I've been given the task of blessing our food.*
- o) ...riro...**nā**
I riro **nā**ku te hui i whakatū. *It was left to me to organise the meeting.*

He Mahi Ī-papa



Tuhia mai he rerenga kōrero hei whakaatu i te tikanga o ngā kupu kei a koutou.

Hei Mahi

Whakamāoritia ngā rerenga kōrero kei raro iho nei.

1. In my older brother's absence, I will be given the task of speaking on behalf of the family.
2. We remember those who have passed on.
3. I got my first motorbike today.
4. It was up to me to compose a song.

Whakautu:

Mahi ĩpapa: *Kua riro ki tua o Paerau. / Kua riro ki Tāmaki, noho ai.*

Hei Mahi:

1. I te ngarotanga o taku tuakana, ka riro māku e kōrero mō tō mātou whānau.
2. Ka maumahara tātou ki te hunga kua riro ki te pō.
3. I riro i a au taku motopaika tuatahi i te rā nei.
4. I riro nāku tētahi waiata i tito.